

Totoina ma le Faafaileleina o le Afioga a le Atua i o Tatou Loto

Totōina o le fatu

Faitau le Alema 32:21–23, 26–30, ma faailoga upu ma fasifuaitau e fesoasoani ia te oe e malamalama ai i le ala e amata ai ona tapue se molimau.

Faasoa atu i lau vaega upu ma fasifuaitau na tumatila ia te oe ma pe aisea. Ona talanoaina lea o fesili nei:

- O le a sou manatu i le uiga o le “tuu se avanoa” i lou loto mo le Faaola ma Ana aoaoga?
- O le a se mea e mafai ona faigata ai i tagata ona faia lenei mea?
- E tusa ai ma fuaiupu 28–30, o le a se mea e mafai ona tupu pe a tatou faaavanoa se vaega o tatou loto mo Iesu Keriso ma Ana aoaoga?

Tusi se aotelega e tasi le fuaiupu o mea sa e aoaoina mai nei fuaiupu e uiga i le fesoasoani ai i lau molimau i ona laasaga amata.

Faafaileleina o le fatu

Na aoao mai Alema o le totoina o le fatu ma le iloaina e lelei ua na o le vaega muamua lea o le tapueina o se molimau. Faitau le Alema 32:37–43, vaavaai mo aoaoga e fesoasoani ia te oe e malamalama ai pe faapefea ona fesoasoani i se molimau ia faaauau pea ona tuputupu ae.

Faasoa atu i lau vaega upu ma fasifuaitau na tumatila ia te oe ma pe aisea. Ona talanoaina lea o fesili nei:

- O le a se mea na e aoaoina mai fuaiupu 38–40 e uiga i le mea e tupu pe afai tatou te faatuatuanai i le afioga a le Atua lea sa tuputupu ae i o tatou loto?
- O a nisi o faataitaiga o le ala e mafai ai e se tasi ona faatuatuanai i lana molimau ia Iesu Keriso ma Ana aoaoga?
- O a nisi o auala e mafai ona e faafaileleina ai lau molimau ia Iesu Keriso ma Lana talalelei e fesoasoani ai ia tuputupu ae malosi?

Tusi se aotelega e tasi le fuaiupu o mea sa e aoaoina mai nei fuaiupu e uiga i le faamalosi o se molimau ua uma ona tuputupu ae i totonu ia te oe.
